

國立故宮博物院珍藏

清代起居注冊

同治朝 第六冊

國立故宮博物院珍藏

清代起居注冊

同治朝

第六冊

同治元年十一月上……二八六三
同治元年十一月下……二九七三
同治元年十二月上……三〇八一
同治元年十二月下……三二〇七

清代起居注冊 — 同治朝

(清) 桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經理

I. (清) 桂清楊等奉敕撰

654.78
7436
72

NT\$ 86,000.00

72 · 12 · 0650

· 89007163 ·

清代起居注冊

同治朝第六冊

資料提供者 國立故宮博物院
景印者 聯合報文化基金會國學文獻館
發行人 王必成
發行者 聯經出版事業公司

臺北市忠孝東路四段五五七號
電話：七六〇一六一六—二三一七
郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治元年歲次壬戌十一月初一日巳酉

上詣綏履殿

慈安皇太后前請安平安室

慈禧皇太后前請安是日吏部題

慕東陵禮部員外郎寶山與

東陵工部員外郎廣勤員缺對調奉

諭旨寶山廣勤依議調補

是日

起居注官桂清楊泗孫

初二日庚戌

上詣綏履殿

慈安皇太后前請安平安室

慈禧皇太后前請安內閣奉

諭旨陝西按察使著丁寶楨署理又奉

諭旨陝西按察使王承基署鹽法道韓泰華均著
勒令休致該二員現有被叅各款仍著留於陝
西聽候查辦又奉

諭旨文煜奏遵保拏獲隣境要犯出力人員請獎
一摺山東樂陵縣偽團鄭蕪等犯逃至直隸天
津縣屬地方經該縣知縣張餘慶試用知縣李
景星盤獲緝捕尚屬出力張餘慶著賞戴藍翎

李景星著俟補缺後以同知直隸州知州用以
示鼓勵該部知道是日翰林院將應充滿洲
日講起居注官人員帶領引

見奉

諭旨訥仁著以原銜充補日講起居注官

是日

起居注官蘇勒布杜聯

初三日辛亥

上詣綏履殿

慈安皇太后前請安平安室

慈禧皇太后前請安內閣奉

諭旨前因光祿寺少卿董元章御史劉毓楠奏稱

何南知縣任桂挾仇指使副將楊飛熊等擅殺
良團李瞻李書聲等多名楊飛熊及知縣徐光

第並有焚燒村莊搶掠財物情事以致各團解
體等語當經諭令僧格林沁查明叅辦茲據奏
稱汝州團首李瞻科派橫斂因在籍通判彭鳳
台畏懼躲避李瞻輒率團丁將其房屋焚燒並
因張家等寨未肯遂從瞻敢圍莊攻殺兇惡情
形罪無可逭洛陽團首李書聲設立會元局盤
查客商輒敢搶劫銀物殺斃土客及兵勇多名

亦屬法所難容任桂稟報李瞻叛逆請兵勦辦
雖未免措詞失當尚無挾仇情事楊長春誘擒
李書聲正法辦理尚無屈枉楊飛熊楊長春並
未縱兵殃民河汝一帶團練自聞懲辦李瞻等
之後亦知斂迹各等語李瞻等辦理鄉團輒敢
恃眾妄為搶劫焚殺雖據查明尚無叛逆實據
而跋扈狂悖目無法紀楊飛熊等將伊等擒獲

正實屬罪有應得此外安分良團奉公守法並無解體情形該士民等尚屬深明大義仍著將團練事宜妥為辦理實力奉行以衛地方而資聯絡知縣任桂副將楊飛熊楊長春知縣徐光第既據查無挾仇妄殺縱兵殃民情事即著毋庸置議又奉

諭旨御史陳廷經奏變通營制以肅軍令兩一事

權一摺著兵部議奏又奉

諭旨前因御史劉毓楠奏叅河南署按察使洪貞
謙鑽刺卑污與河南府通判閔春濤朋比為奸
等情當經諭令僧格林沁嚴行查辦嗣因鄭元
善多隆阿先後奏叅洪貞謙帶兵遷延捏報勝
仗降旨將該員即行革職茲據僧格林沁奏稱
查明洪貞謙官聲本屬平常署臬篆後帶兵出

省遷延畏蕙實係不能得力等語洪貞謙業經革職著永不敘用並著鄭元善將該革員與已革通判閔春濤一併勒令回籍不准在河南逗留以懲庸劣而杜鑽營又奉

諭旨前因御史呂序程奏叅已革知府廖慶謀鑽謀開復等情當經諭令僧格林沁確切查明據實叅奏茲據僧格林沁奏稱詳查原案廖慶謀

性情殘忍多疑好殺係嚴樹森奏叅革職永不
敘用之員鄭元善於勝保督師過豫時輕率舉
薦已有不合迨勝保札調該革員赴營甫經數
月即屬出力亦未便遽請開復原官雖查無聽
受情託實據究屬冒昧濫保等語勝保鄭元善
均著交部分別議處廖慶謀屢次被人叅奏既
據僧格林沁查訪該革員聲名狼籍舉動亦非

平靜廖慶謀業經革職仍著永不敘用並著鄭
元善嚴飭該革員迅回廣東原籍不准在豫省
逗留是日

起居注官瑞聯呂朝瑞

初四日壬子

上詣綏履殿

慈安皇太后前請安平安室

慈禧皇太后前請內閣奉

諭旨河南巡撫著張之萬署理又奉

諭旨湖南長沙府知府員缺緊要著該督撫於通

省知府內揀員調補所遺員缺著賴史直補授

又奉

諭旨前因惠親王等奏中倉米石霉爛虧短當經
派令寶璽崇綸查驗茲據奏稱遵查米石先將

大概情形陳奏一摺中倉米數共應存四萬三萬三千餘石乃經寶璽等親赴該倉逐廩查看現存之數大有虧短情形且米色參差不齊霉變攪雜均所不免該倉場侍郎德全等前請將本年王公大員秋季俸米由中倉開放以放代盤而於該倉米石霉變虧短未能先事查叅殊屬不合德全宋晉均著先行交部議處其現存